

歷代 日記叢鈔




學苑出版社

歷代日記叢鈔

第二九冊

957-9574 957429-957431 957432-957433 957434-957435



道光四年刊

理堂日記

靜恒書屋藏板

--	--	--

理堂日記目錄

濰縣 韓夢周 公復

卷之一

起庚辰止壬午凡八十二條

卷之二

起癸未止甲申凡六十五條

卷之三

起乙酉正月止本年六月凡一百六十五條

卷之四

起乙酉七月止丙戌三月凡一百六十八條

卷之五

起丁亥止庚寅凡一百七十五條

卷之六

起甲午止丙申凡一百一十八條

卷之七

起己亥止庚子凡一百四十四條

卷之八

起辛丑止癸卯凡六十二條

理堂日記卷之一

濰縣 韓夢周

人固不可以虛僞欺世然亦不可自小立心卑退讓第一等事與別人卒之悠忽沒世縱有善名亦只是謹愿之人

而已

庚辰十一月三十日

人須有所激發乃能自立孫鍾元先生

奇逢容城人

平生切劘

於鹿忠節

善繼定興人

者固深然自忠節死鍾元乃益自刻勵

決然以此道爲己任心中時時有一伯順在恐有相負朋

友之相成蓋以志義爲起發無閒死生也

全日

孫鍾元云杞縣劉文烈

理順

以久困公車成就一箇矩言方

里

卷一

銜惟廬日記

一

行儒者長洲文文肅

震孟

亦以久困成就一箇忠孝狀元傳

臚之日婦孺填觀歡呼因思程子云少年登第大不幸也

觀此果然

全日 右與閭懷庭言
時懷庭已七上公車矣

人之所得乎天爲德人之初生本從天地陰陽之氣化育而出後雖成形於父母然人在天中如魚在水中父母之血氣卽天地之陰陽由氣而形由形而生亦天地自然之化育非人之所能爲也人與天本屬一體其心之所存自然有仁義禮智之德非得之於天而何且以五常配五行合四德如符節然故曰人者天地之心也又曰人者天地之德也太極圖說西銘之理概不出此朱子談天人性命

之旨亦只有得於二書以之解五經四子無不脗合道之

大原出於天此之謂與

辛巳正月二十二日

余讀昌黎諸求薦達書嘗哀其不能處窮近樂安李象先

煥章

先生謏詆尤甚考公此時年未三十其志操未堅蓋亦

無可疑者至潮州謝表以封禪爲言後人亦多訾之不知

由漢以來諸儒見道之卓立品之正如公正少公此時憂

讒畏謗懼死之卽及乞憐人主情辭過迫亦可原諒安溪

李厚庵先生嘗欲用公刪荀子之意以定公集所撰韓文

粹言亦公之功臣也

二十七日

鏡野言學在通經學古學古讀史尤要史中所載莫謂古

人陳迹卽吾日用所爲者是也吾身之吉凶悔吝與古人之是非成敗原自一理故曰借彼可以鏡此經者規矩也史者言用規矩者之得失與夫背規偈矩者之所爲以爲法戒也此所以與經相表裏

二月八日

周公之稱文王曰不顯亦臨無斁亦保不聞亦式不諫亦入聖人生知安行其用功出於自然故曰不思不勉非率意而行無所致力也文王望道未見其所以存天理遏人欲蓋有無時或息者若常人顯亦不臨斁亦不保聞亦不式諫亦不入又上者則顯而後臨斁而後保聞而後式諫而後入皆非聖人緝熙敬止之學也

三月十日

天之所以與我而我之所以爲德其理之所以然則太極圖說盡之矣人者天地之心其性情之感發見於日用動作之際者莫非天理流行之自然在人者未始不爲天但心有存則行不著習不察又甚則遁天背情而不知耳湯顧諟天之明命主敬存誠之學也

全日

天之明命無往不在非止賦畀於有生之初而已昊天曰明及爾出王昊天曰旦及爾游衍所謂監觀有赫人心之動天命隨之君子所以終日乾乾對越在天也天之牖民如堦如簏如璋如圭所謂天誘其衷人之善念皆天啟之君子所以不愧屋漏凝承天心也

全日

惟天地萬物父母亶聰明作元后聖人之生本天心所屬
聖人代天行化能盡司牧之責民之所欲天必從之此文

王所以受天命也

全日 右四條說大學明德新民二傳

程子格物之說雖繁要欲使人求之性情倫物之間而又
以誠敬涵養爲之本所謂一草一木亦皆有理者謂執一
而不能推則無以極物理之盡也然亦止一及之而非以
爲當急故又云格物之要須知至善之所在如止孝止慈
之類若徒汎然觀萬物之理恐如大軍之遊騎出太遠而
無所歸也其所重可知矣

三月二十日

朱子格物補傳後人譏詆尤甚夫傳止舉大要試卽或問

反復觀之可以見其內外相資大小有倫緩急有序平易

正大何弊之有哉

全日

呂涇野先生云格物之學自伏羲以來未之有改也觀於

易可見矣

全日右說格物傳

誠意之說孟子發揮尤盡學者詳考之可以知其淵源所

自矣慎獨之云子思既以莫見乎隱莫顯乎微釋之又引

潛伏之詩謂內省不疚無惡於志君子不可及在人所不

見語尤悚切

三月二十三日

千古聖賢相傳真命脈只在誠意

全日

讀誠意傳使人爲善之心油然而

全日

或問誠意何以云慎獨曰爲人謀而不忠乎與朋友交而不信乎所謂察於人所不知而已所獨知之地也

全日右說誠

意傳

李厚菴先生謂誠意猶中庸之戒懼慎獨正心猶中庸之致中和愚謂非也正心乃中庸之戒慎恐懼朱子文集以敬以直內解中庸之戒懼正心傳章句亦云君子必察乎此而敬以直之其說可知矣蓋不動而敬不言而信戒懼之實功也能如此則主一無適動靜一致又豈有欲動情勝出入無時之患哉但二書微不同者大學言其用行之弊中庸則言存養之功夫心之爲害妄情之發爲尤甚欲

祛其害而但制其情之流則愈難而愈紛惟涵養其本源
使常存而不放然後於外感之來卽事察理一因乎物而
我無與焉則程子所謂情順萬事而無情者不外於是復
何累其心體之有此二書之所以交相爲備而非有異理
也至慎獨之云其爲一致不待言矣

三月二十五日 右
說正心修身二傳

余舊說此章以財用之聚散用人之得失分言同民好惡
之實生財有大道以下又以財用同民與否視乎用人而
以君心義利結之傳者之意最爲明曉後人之說都覺枝
遁章句雖未分析其意未嘗不可通考而知也近讀李厚
菴大學古本說與余合固知可從

四月
四日

孟子論治道不出此章之旨則此書爲傳於曾子無疑也

全日右說
平天下傳

朱子答范叔應書絜矩章專言財用繼言用人蓋人主不能絜矩者皆由利心之起此所以專言財用也人才用舍最係人心向背此所以繼言用人也後人謂不可分財用人者以爲遵朱子其亦未考乎此矣

四月十六日

道心有不雜於人心者惻隱羞惡之屬是也有不離乎人心者飲食男女之屬之合於禮者是也嗜欲深則天機淺良心之所以梏亡也徇乎私則滅乎公人欲之所以熾肆也以道心爲主而人心每聽命者惻隱羞惡無以戕之也

飲食男女有以防之也操存之久道心常著人心常安則

莫非天理之流行矣

四月十七日

萬物之性肖乎天萬物之理本於性知物之肖乎天則知性之無不善矣知事之本於性則知道之非外求矣

四月二十日

三日

人日在熱鬧場中焉辨所行污潔須常令胸中如一盆清

涼水乃能辨得是非存得耻心在

四月二十九日

孫鍾元先生云爲學五十年始識一貧字嘗有詩云爲人

百歲祇爲子學道終身總學貧定力原從貧裏得猿啼鬼

嘯也成鄰此卽孔顏家法人不能耐貧下梢便成鄙夫

五月